

Fréttabréf Garðasels

apríl 2019



Skipulagsdagur í apríl

Þriðjudaginn 23. apríl er hálfur skipulagsdagur frá kl: 12.00-16.00. Skólinn er opin frá kl: 7.30-12.00 þennan dag og verða börnin búin að borða hádegismat áður en þau fara heim.

Sumarfrí og skólalok

Tímasetning sumarlokunar Garðasels er 8. júlí – 2. ágúst og opnað aftur þriðjudaginn 6. Ágúst.

Föstudaginn 26. apríl þurfa foreldrar að hafa skilað til leikskólans upplýsingum um sumarfrí barna sinna og skólalok elstu barnanna (2013). Skólinn lokar í 4 vikur en 5 vikur verða gjaldfrjálsar ef foreldrar velja þá lengd á sumarfrí barna sinna.

Mikilvægt er að hafa sem bestu upplýsingar um skipulag og tímasetningar sumarfría barna og skólalokin því raða þarf sumarleyfum starfsmanna í samræmi við fjölda barna hverju sinni og eru foreldrar hvattir til að virða þessa dagsetningu á skilum.



Foreldraviðtöl



Dagana **1. - 5. apríl** lýkur síðari foreldraviðtöl skólaársins. Lögð er áhersla á að allir foreldrar eigi þess kost að mæta í viðtal og leikskólinn hefur reynt eins og kostur er að koma til móts við óskir um tíma viðtalanna. Í lok þessa viðtalstímabils ættu allir foreldrar hafa hitt hópstjóra barns síns og rætt um stöðu þess, færni og þroska.

Vorskólinn 2019

Vorskóli elstu barnanna var í mars í báðum grunnskólunum og gekk afar vel. Elstu nemendur Garðasels fóru í þann grunnskóla sem þeir eru skráðir í sem nemendur á næsta skólaári. Vel var tekið á móti hópnum, sem stóð sig vel og tók þátt í þeim verkefnum sem boðið var upp á. Í Garðasel kom hópur 1. bekkinga úr Grundaskóla á meðan Vorskólinn stóð og fengum við til okkar fyrrum nemendur úr Garðaseli, sem var skemmtilegt.



Sumarkaffi foreldrafélagsins lagt niður / hækkun á gjaldi í Barnasjóðinn



Hið árlega sumarkaffi foreldrafélagsins, sem verið hefur á Sumardaginn fyrsta, verður ekki þetta skólaár og hefur verið tekin ákvörðun um að fella það niður að sinni. Þar sem Sumarkaffið var fjáröflun foreldrafélagsins þá var tekin ákvörðun um að hækka gjaldið í Barnasjóðinn um 1100 kr og er núna 3500 kr í stað 2400 kr. Þessi mismunur kemur í stað þeirra fjárútláta sem foreldrar tóku á sig með meðlæti og að borga svo fyrir Sumarkaffið fyrir fjölskyldur sínar.

Þessa ákvörðun má endurskoða að ári liðnu ef ástæða þykir til.



Umhverfisdagurinn

Umhverfisdagurinn er fimmtudaginn 25. apríl, sem ber núna upp á Sumardaginn fyrsta. Hluti af námi í leikskóla er að læra að ganga vel um umhverfi sitt og hlúa að því með góðri og ábyrgri umgengni. Það hefur verið hefð fyrir því í Garðaseli að hreinsa leikskólalóðina og nærumhverfi og verður það gert **miðvikudaginn 24. apríl**

þetta árið. Gott er að taka reglulega umræðu um góða umgengni og mikilvægi þess að henda ekki rusli út um allt, tína upp rusl, ganga vel um gróður og lífverur og bæta frekar við gæði umhverfisins en að ganga á þau.

Árgangamót leikskólanna

Vikuna 29. apríl – 3.maj verður hið skemmtilega árgangamót leikskólanna sem er samstarfsverkefni leikskólanna á Akranesi. Horft verður til veðurs þessa daga og valinn góður sumardagur 😊

Markmið samstarfsins er að þróa og búa til enn sterkara lærdómssamfélag á Akranesi þar sem markmiðið er að vinna saman og læra hvert af öðru.

Deildarstjórar skólanna hafa veg og vanda af skipulagningu dagsins. Hver árgangur hittist frá kl: 9.00-11.30

- 2017-2016 árgangarnir - Vallarsel
- 2015 árgangurinn - Akrasel
- 2014 árgangurinn – Garðasel
- 2013 árgangurinn – Teigasel



Vinir eru brú út í stærri heim

Vináttuverkefni Barnaheilla – gegn einelti barna

Vináttuverkefnið hefur ákveðin gildi sem unnið er með og eftir í samskiptum barna – ekki bara innan leikskólans heldur ættu foreldrar einnig að hafa þau með sér, því þau eru mikilvægar fyrirmyndir.



Umburðarlyndi - að viðurkenna og skilja mikilvægi og gildi fjölbreytileikans og að koma fram við alla aðra af virðingu

Sumir halda að rætur eineltis geti ekki verið að finna í leikskóla, en þar skapast grunnurinn að samskiptum í barnahópum. Og það er einmitt í leikskóla sem þarf að grípa inn í og kenna börnum góð samskipti. Að þau séu meðvituð um hvernig þau eru í samskiptum hvert við annað og skynji hvernig hinum líði. Umburðarlyndið gagnvart margbreytileikanum er líka svo mikilvægt. Við erum öll ólík og við eigum að fagna því, ekki að sækjast eftir að allir séu eins og að eitthvað sé æskilegt og annað ekki.

Hinir fullorðnu er mikilvægar fyrirmyndir barnanna – þau horfa, sjá, hlusta og læra af öðrum.

Vinur er fjársjóður – þann fjársjóð ættu allir að eiga